

AUGLÝSING

um verðjöfnun vegna útflutnings sjávarafurða í febrúarmánuði 1994.

Samkvæmt 6. gr. laga nr. 39, 15. maí 1990, um Verðjöfnunarsjóð sjávarútvegsins, hefur hlutfall af andvirði sjávarafurða sem inn- og útgreiðslur skulu miðast við vegna útflutnings í febrúarmánuði 1994 verið ákveðið sem hér segir:

1. Skreið Útborgun 8,8%

Ofangreind útborgun er af reikningi deildar fyrir viðkomandi afurð úr Verðjöfnunarsjóði fiskiðnaðarins. Reynist innstæða reiknings ekki hrökkva til greiðslu ákvarðaðs útborgunarhlutfalls vegna útflutnings viðkomandi afurðar í febrúarmánuði, skal lækka útborgun hlutfallslega.

Sjávarútvegsráðuneytið, 26. janúar 1994.

Þorsteinn Pálsson.

Gylfi Gautur Pétursson.

REGLUGERÐ

um greiðslur verðmiðlunargjalda til mjólkurbúa árið 1993.

1. gr.

Verðmiðlunargjald til þeirra verkefna sem um getur í 19. gr. laga nr. 99/1993 um framleiðslu, verðlagningu og sölu á búvörum skal miðast við það gjald sem innheimt er af framleiðslu mjólkur skv. ákvörðun landbúnaðarráðherra á tímabilinu 1. janúar 1993 til 31. desember 1993.

2. gr.

Verðmiðlunin skal ná til eftirtalda mjólkurbúa:

M.s. í Reykjavík	M.s. á Akureyri
M.s. í Borgarnesi	M.s. á Húsavík
M.s. í Búðardal	M.s. á Vopnafirði
M.s. á Patreksfirði	M.s. á Egilsstöðum
M.s. á Ísafirði	M.s. í Neskaupstað
M.s. á Hvammstanga	M.s. á Höfn í Hornafirði
M.s. á Blönduósi	Mjólkurbú Flóamanna
M.s. á Sauðárkróki	

Við ákvörðun á verðmiðlunarþörf innan 1. sölusvæðis skal rekstur allra mjólkurbúa á því svæði reiknaður sameiginlega. Þá skal við ákvörðun á verðmiðlunarþörf einstakra mjólkurbúa taka tillit til samstarfssamninga og samninga sem mjólkurbú hefur gert við þriðja aðila um framkvæmd tiltekinna þátta við flutning, móttöku, vinnslu og markaðssetningu mjólkurvara sem telja verður að annars væri eðlilegur þáttur í rekstri og starfsemi mjólkurbúsins með hliðsjón af starfsemi annarra mjólkurbúa er verðmiðlun tekur til. Skal slíkur rekstur reiknaður sameiginlega við útreikning skv. 3. gr.

3. gr.

Framleiðsluráð landbúnaðarins reiknar út verðmiðlunargreiðslur til mjólkurbúa skv. ákvæðum þessarar reglugerðar. Við ákvörðun á greiðslum úr verðmiðlunarsjóði skal leggja til grundvallar ársreikning viðkomandi mjólkurbús. Ársreikningurinn skal vera endurskoðaður og áritaður fyrirvaralausri áritun af löggiltum endurskoðanda. Ársreikningur skal geyma rekstrarreikning, efnahagsreikning, fjármagnsstreymi eða sjóðsstreymi og skýringar. Framleiðsluráð landbúnaðarins getur krafist enn frekari sundurliðana og skýringa af hálfu viðkomandi mjólkurbús áður en því er ákveðinn réttur til framlags úr verðmiðlunarsjóði.

Með ársreikningi skal fylgja:

- a. Sundurliðanir á samsettum liðum.
- b. Fyrninga- og endurmatsskýrsla.
- c. Rekstraruppgjör flutninga mjólkur að vinnslustöð.
- d. Yfirlit yfir öll langtímalán er sýni stöðu þeirra í upphafi árs, lántökur, afborganir, verðbætur/gengismun, stöðuna í árslok, gjaldfallna vexti, gjaldfallnar afborganir og afborganir á næsta ári.
- e. Greinargerð um vaxtaútreikning milli mjólkurbús og rekstraraðila/mjólkurbús og vegna stofnsjóðs og varasjóðs.
- f. Skýrsla um fjárfestingar og viðhald. Sé um umtalsverðar fjárfestingar eða viðhald að ræða skal viðkomandi mjólkurbú láta fylgja staðfesta heimild til framkvæmdanna, sbr. samning Framleiðsluráðs landbúnaðarins og Samtaka afurðastöðva í mjólkuriðnaði á grundvelli 59. gr. laga nr. 99/1993.
- g. Yfirlit um myndun grundvallarverðs.
- h. Yfirlit yfir magn hrámjólkur sem fer um vinnslustöðina, þ.e. innvegið magn +/- aðkeypt/seld hrámjólk.
- i. Skýrsla um nýtingu innvegginnar mjólkur (fita, undanrenna o.fl.).
- j. Greinargerð um hlutdeild í sameiginlegum kostnaði, sbr. ákvæði 6. gr.

4. gr.

Við ákvörðun á verðmiðlunarþörf hvers mjólkurbús skulu, auk þess sem um getur í 7. gr., neðangreindir liðir teljast til kostnaðar með eftirfarandi hætti:

1. Af reiknuðum vöxtum af varasjóði mjólkursamlaganna og öðru eigin fé 40%.
2. Af tillögum í varasjóð og aðra eiginfjársjóði 40%.
3. Rýrnun vegna slæmrar nýtingar á innveginni mjólk, sbr. 5. gr., skal ekki telja með sem kostnað.
4. Verðfellingar eða afslætti frá skráðu heildsöluverði vegna gæðaafalla skal ekki telja með sem kostnað.

5. gr.

Tekjuskerðing sem hefur orðið vegna slæmrar nýtingar á innveginni mjólk skiptist þannig milli vinnslustöðvar og verðmiðlunarsjóðs við ákvörðun verðmiðlunargjalda:

	Vinnslu- stöð	Verðmiðlunar- sjóður
a. Fiturýrnun	100%	
b. Undanrennurýrnun	50%	50%
c. Nýmjólkurryrnun	100%	

Hvert mjólkurbú skal skila greinargerð um nýtingu og rýrnun með ársuppgjöri. Heimilt er að veita M.s. Patreksfirði undanþágu frá ákvæðum b-liðar.

6. gr.

Þar sem mjólkurbú er rekið í fjárhagslegum tengslum við annan atvinnurekstur, skal sá hluti sameiginlegs kostnaðar sem bókfærður er á rekstur mjólkurbúsins, grundvallast á sannanlegum kostnaði sem hinn aðilinn leggur til mjólkurbúsins og skal fylgja í gögnum um verðmiðlunarþörf sérstök greinargerð þar um.

7. gr.

Við endanlega ákvörðun verðmiðlunar til hvers mjólkurbús fyrir sig, skal draga frá reiknaðri þörf verðmiðlunar 60% meðalhagnaðar af rekstri þess er varð árin 1991 og 1992 og hann framreiknaður m.v. lánskjaravísitölu í lok hvers árs.

Þá skal lækka verðmiðlun til hvers mjólkurbús til samræmis við umsamda hagræðingar-kröfu, sbr. samkomulag milli Samtaka afurðastöðva og framkvæmdanefndar búvörusamninga frá 15. desember 1992. Samkvæmt því kemur þó ekki til lækkunar á verðmiðlun, ef kostnaður mjólkurbús á innveginn lítra mjólkur hefur lækkað um 2,5% milli áranna 1992 og 1993 á föstu verðlagi miðað við lánskjaravísitölu.

Nú verður reiknuð verðmiðlunarþörf meiri en heimilt er að ráðstafa til verðmiðlunar, og skal þá skerða rétt allra búa til verðmiðlunar í sama hlutfalli af reiknaðri verðmiðlunarþörf.

Greiðslum úr verðmiðlunarsjóði vegna rekstrarársins 1993 skal lokið eigi síðar en 31. ágúst 1994. Ársreikning mjólkurbús ásamt fylgigögnum fyrir árið 1993 skal skila til Framleiðsluráðs landbúnaðarins eigi síðar en 30. mars 1994. Ef reikningsskil mjólkurbús berast síðar, er ekki tryggt að viðkomandi aðili komi til álita við frekari úthlutun úr verðmiðlunarsjóði fyrir árið 1993.

8. gr.

Reglugerð þessi er sett samkvæmt heimild í 27. gr. laga nr. 99 8. september 1993 um framleiðslu, verðlagningu og sölu á búvörum og öðlast gildi þegar í stað.

Landbúnaðarráðuneytið, 28. janúar 1994.

Halldór Blöndal.

Jón Höskuldsson.

REGLUGERÐ**um verðjöfnunargjald af innfluttum unnum landbúnaðarvörum.**

1. gr.

Greiða skal í ríkissjóð við tollafgreiðslu verðjöfnunargjald af þeim landbúnaðarvörum sem innihalda landbúnaðarhræfni og falla undir upptalin tollskrárnúmer skv. eftirfarandi gjaldskrá. Gjaldið skal lagt á m.v. kr/kg. Þó skal samanlagður tollur, jöfnunargjald og verðjöfnunargjald aldrei vera hærra en 37% af tollverði í vörulið 1905.

Tollskrárnúmer	kr/kg	Tollskrárnúmer	kr/kg
0403.1001	65	1901.2023	99
0403.1003	34	1901.2024	71
0403.9001	28	1905.9051	99
0403.9002	28	1905.9059	71
0403.9003	28	2202.9001	42